

定縣志卷十二

文獻志

人物篇二

德行

晉張忠字巨和永嘉之亂隱於泰山恬靜寡慾清虛服氣餐芝餌石修導養之法率子弟依崇巖幽谷鑿地為窟室弟子亦窟居去忠六十步五日一朝觀形而退立道壇窟上每旦朝拜之其教以形不以言人有饋者皆弗納或問以水旱之詳忠曰天不言而時行物生陰陽之事非窮山野叟所能知其遺情物外皆類此年在期頤而視聽不爽苻堅遣使徵之使者至謂弟子曰吾餘年無幾不可逆時主

定縣志

卷十二

文獻志

人物篇二

德行

一

之意沐浴訖就車及至長安堅賜冠服辭曰年朽髮落不堪衣冠請以野服見從之堅曰先生考槃山林研精道素獨善有餘兼濟未也故遠屈先生將任齊尚父忠曰昔避泰山侶鳥獸以全朝夕之命屬堯舜之時思一奉聖顏年衰志謝不堪展效山棲之性乞還餘齒歸死岱宗堅不能奪以安車送之行達華山歎曰我東嶽道士沒於西嶽命也行五十里果卒苻堅遣官策弔褒賜命服諡曰安道先生

北魏張綱中山人仕魏為大將軍從事中郎高允徵士頌與

張誕王道雅閔弼合頌其辭曰張綱柔謙叔術正直道雅洽聞弼為兼識拔萃衡門俱漸鴻翼發憤忘餐豈要斗食

率禮從仁罔愆於式失不繫心得无形色

元王文淵幼失怙能自立嘗推擇為吏弗屑從滕安上游益自刻勵遂淹洽經史事親養志友弟訓子門以內肅如也作詩紆徐冲澹得韋柳體當代名公相推服竟高尙不仕卒於家葬唐城西原鄉學者諡曰貞孝先生

明陳松博學有遠識於世味淡如也嘉靖戊子舉於鄉任山西屯留令未幾歎曰五斗折腰古人恥之我何為也歸耕於城西鄉徜徉自如士論高之

清王舒錦字臨風不喜酬酢務以質行自立晚築精室三楹羅置圖史文籍之屬間究數術之學或作大書學米芾畫以自怡樂自署芝島山人芝島者自闢之山莊也山平秀

定縣志

卷十二

文獻志

人物篇二

德行

二

傳有仙人採藥遺跡故取以為號云其族弟灝學行重一時嘗數稱其行誼以為可式後進云以上高逸
漢劉洛嘗被遣進征以他故令弟興代之興逃歸郡吏以洛捕斬畧無難色與其實求復代之讞刑者曰冒名逃役法當並坐兄弟爭死情實可憫遂原釋之

北魏張宣軌中山人少孤以孝聞性通率輕財好施中興初坐事死

甄恬字彥約中山人數歲喪父哀感若成人家人憐其幼以肉汁和飯飼之恬不食年八歲嘗問其母恨不識父遂悲泣累日忽若有見形貌則其父也家貧養母常得珍羞及居喪廬於墓側恆有鳥集樹恬哭則鳴哭止則止又有白

鳩白雀栖宿其廬州將始興王憺表其行狀詔旌門閭加以爵位官至安南行參軍

見南史 孝義傳

唐支叔才生有至性隋末荒饑丐食野中將還進母為賊所執欲殺之告以情賊憫其孝為解縛母病難叔才吮瘡注藥及亡廬墓白鵲止墓旁高宗時表其家

王鳳王賢父文操與賊戰敗鳳賢更以身蔽父得全二子死於賊刺史霍王李元軌遣使弔祭上其事詔贈鳳賢兄弟朝散大夫旌禮其閭

宋劉斌父加友端拱中為從弟志元所殺斌兄弟皆幼母嘗戒之曰爾等長必復父仇景德中斌兄弟挾刃伺志元於道旁刺之不中即詣吏自陳州具獄上請詔以志元黥

定縣志

卷十二 文藝志 人物篇二 德行

三

面配隸汝州釋斌等之罪

明張志甯字一清宏治間歲貢篤實寡言以禮法自律居喪一遵家禮歲時致祭必盡敬州人慕之處異母弟友愛周至弟亦化之有閔氏之風任漢陰教諭五載致仕歸置蒙養書院以課子孫

王達有孝行母卒及父卒皆廬於墓側有司以問詔旌表其門

竇文親歿廬墓有白兔馴擾之祥有司上聞奉詔旌表即應芳廩生告退侍養親歿廬於墓側者六載

張可觀以孝聞萬歷四十八年奉旨旌表

蔡希舜幼習舉子業漁獵羣書旁涉青鳥之術事親極孝母

病禱天願減已算以益母既卒淚盡繼以血水漿數日不入口廬墓三年及歸適積雨傾屋舜所居一室獨無恙人以為孝感所致父病訪名醫走千里始得之父果愈天啟六年直指題請旌其門

張天祐堤陽里人親歿廬墓穴地以處竟卒於穴內時人哀之

吳天銀忠順營人幼貧傭身養親親歿嘔血骨立三年廬墓崇禎十三年奉詔旌曰孝子壽官子浩增廣生遇變失父所在因建祠肖像虔事號泣不間晝夜臺使旌以額後竟抱痛以終

定縣志

卷十二 文獻志 人物篇二 德行

四

郝一虬監生明歲貢維翰第四子父在日家業分爲四及季弟一麟生而父已卒母慮之一虬曰教養俱兒任之勿憂也因與妻田氏撫育備至視子姪尤有加焉一麟年十六遊庠後列歲貢

清馮琳字登科西趙莊人剛毅明斷待人忠厚以勤儉治家而以甘旨奉親終身不與弟析產其弟現亦善體兄意盡孝盡敬一門之中雍雍如也同治中鄰村被水琳隻身率眾築堤自是數年無水患歿既久人猶思之

王朝翰字羽翼馬家莊人講學鄉里素稱純儒事父母以孝聞幼時見父母不悅即跪泣求解父母因之靈顏父母有疾必親煎湯藥至兩目盡腫不懈年至四十忽觸母怒多方求解終不釋適一蝎出庭前朝翰即屈一膝向上匍匐

效竭行以娛其親鄉人因有老萊戲彩之頌生平嚴正鄉里有爭曲直者朝翰一爲勸解前嫌盡釋鄉人又有古王彥先生之頌云子廉光緒中舉於鄉

王錄州庠生以儒行自勵其母郝氏產錄後七月卽謝世終身痛慕事父堯基繼母吳氏能曲承意旨弟鉞繼母所出嘗析居讓產以篤友愛一日鉞罹誣陷幾不免母惶懼無措錄詣吏代白事得雪康熙戊子崇祀鄉賢

王世祥字嘉菴錄子久困名場因旁及孫吳之學康熙辛酉始舉於鄉以仲弟世英卒懷柔官舍四弟世法嬰痼疾父錄常鬱鬱不怡悅遂絕意仕進晨昏侍側多方寬慰病則躬湯藥經月不解衣帶歿則毀瘠悲慟一病幾不起析產

定縣志

卷十二

文獻志 人物篇二 德行

五

後代輸諸弟逋賦又獨償父夙負倡捐百金修廟學其他嫩行未易枚舉至戊子崇祀鄉賢

楊玉山元光村人家赤貧雍正六年父東海衰年患病玉山侍奉極盡孝道父尋愈知州王大年給錢二千米一石獎以庸行獨奇匾額

尹成文內堡村人跛一足眇一目家貧苦孤無妻子善事繼母賣餅餌爲生餅熟先奉母食然後出賣母染癱瘓臥牀席九年成文肩負出入無勞倦之色母歿極哀痛越三年成文亦死其夕村塾生徒聞門外鳴鑼聲眾出視見有鹵簿旗幟乘輿而過者尹成文也正驚疑間適其侄於五道祠焚紙帛招魂返始知成文死此嘉慶十三年二月初二

日事也

張成和鈕店村人道光甲午七月間在沙河北種瓜水陡發與父乘筏歸巨浪翻筏落水其父自揣年邁不得出令其獨自逃生成和堅抱父不釋出沒數里遇救者父子均不死鄉里以爲孝感所致

買成章樓底村人父染瘟疫幾不起成章百計以奉之病如失人皆稱其孝

張筠亭字桐豫號个園城內南街人生有至性讀書志期遠到遊庠後務舉業尤專累薦未售自三歲失恃蒙繼祖母撫育及長事如生母繼母性嚴謹奉起居曲承意旨事偶拂必婉爲解之年十七娶妻恐未諳母性曲諭以將順而

定縣志

卷十二

文獻志 人物篇二 德行

六

時警惕之妻性亦謹恪遵其言小心服侍母後得目疾百方醫治左右不忍離比失明念母視苦輒泣母嘗語人曰兒刻不在側卽吾心若失聞其聲而后快母生一女出閣奩倍於常後女亡並撫養其子女成立皆體母意也平生自奉薄而待人甚厚生平多義舉如倡修本州貢院與集賻以送前州尊萬公歸里其尤著者由廩貢授鹽山縣教官訓士以敦行爲先咸豐元年遇覃恩獲封父及母曰仕原爲此夫復何求遂解組及歸諸生步送數十里猶不忍別云

高白雲燕家莊人家貧業儒平居口無雜言目無邪視行不徑坐必端舉止尺寸不苟事雙親定省周而服勞備親前

無疾言遽色每餐父兄不至不食事諸兄如同胞恭讓無間遭父喪靈前立泣三日不坐臥不飲不食母怒責之始少飲及葬欲罄產以備禮母立阻之始少留葬畢伏墓啜泣侍墓側露宿數月始歸經年寢苦塊不入室不茹葷酒年節亦食飭粥形容枯槁垂幾而不自知殆有子羔氏之遺風歟州牧汪子孝思不匱匾額以獎之

張錦瀚字蜀瀾城內東街人生質明敏而性古直年十九入學二十一補廩至二十六歲失偶遺子女各一誓志不復娶或勸之曰昔曾子以古人復娶爲戒漢王駿魏管甯皆守其義而不違子亦士人敢違古人乎且予三世同爨食指繁多時方主政儻娶有不和不惟累及一身苟家參差

定縣志

卷十二 文獻志 人物篇二 德行

七

子將何以對先人教後嗣哉遂鰥居終身年六十六而卒撫育子女皆成而家業亦興至今德門稱盛族焉

劉元璵性至孝父病葯必親嘗衣不解帶奉事繼母如所生母養生送死必信必誠友愛同母繼母諸弟寢食不離延師課讀弟元珮元琳俱弟子員其撫恤猶子輩於幼而失怙者尤加篤厚

劉建東貢生楊家莊人與弟析居有年弟不善經理家落而身亦亡建東不忍其侄二黑等日就艱難仍復同爨成其室家

張書圖字墨林城內南街人弱冠爲諸生品端學邃工書翰名聲擅一時試棘闈七薦不售意豁如也父本以孝聞書

圖性尤篤父母繼逝守制三年一遵古禮卽以事父母者事兄嫂勤盡禮和藹一堂兄嘗語人曰吾弟非猶夫人之弟也吾親雖棄養家中落有吾弟吾無憾矣州牧王榕吉嘉其行以怡怡顏其堂

馮坤字厚廣龐家左人坤之父八十五歲病故弟幼相繼夭亡母趙氏因痛夫傷子兩目失明飲食起居動輒需人坤生平未嘗多讀書然事母至孝除在田農作外未常離母側每食先奉母洗衣濯穢必躬親之母壽至九十一歲杜廷標寺底村人生有至性敦篤寬和人不見有怒容其母病癱瘓醫治罔效不離床褥者十數年廷標躬親色養每得甘旨必跪以進便溺謹負以出母性善怒一呼不在側

定縣志

卷十二 文獻志 人物篇二 德行

八

罵詈隨之廷標聞之立歸跪請所爲母給以來前卽掌其面無數廷標告哀曰兒再不敢責罷命之起乃熙然以起仍敬請所爲而爲之蓋十數年如一日云

蕭景昌東旺人事母孝曲承意旨口體而外兼能養志及母病篤服侍湯藥晝夜不解衣者三月至今尙爲鄉里所稱又東內堡之劉德耀堯方頭之徐折桂亦均以孝友稱於時

張全堂紙方頭村人母早卒事父至孝父以家貧不克再娶全堂以一身兼理內外先意承志不使父少有不愉父旣老一夜凡三四餐全堂一皆預備廿餘年如一日或以事赴親朋家未嘗留宿鄉里皆稱曰孝子

劉錫琛字旭航文庠生土良村人生有至性甫五歲母攜以避捻匪之亂錫琛不忍累母號泣請步趨以從與兄弟輩共食惟擇菲者父攫疾病侍湯藥拭穢滌溺器皆親任之父歿哭泣盡哀淚盡繼之以血鄉人皆感泣父歿後進退一唯長兄命事無鉅細獨任其勞嘗曰兩兄求學異鄉兩弟方勝衣就傅先父以讀書爲志倘稍計較固不可對我兄弟亦非所以慰親心也其孝友蓋性生云

黃書升字迥吾北陶邱村人四歲喪母繼母張氏患瘡症凡洗瘡敷藥必躬親之至百藥無效禱於神願減已算增母壽又事繼母李氏一如其初後父患病甚重侍奉一切皆親爲之每夜禱神願減已壽增父壽如母病時在鄉排難

定縣志

卷十二

文獻志 人物篇二 德行

九

解紛未卒前十餘年鄉無訴訟又因本村貧戶無力讀書捐地基一所創立義塾焉

劉德惠城內刀槍衛術人家貧甚日除不潔賣以供母甘旨而已食粗糲母老憊衣無穢淨德惠躬洗滌之無倦色醫者潘席珍爲作孝子傳既卒邑人爲立石於其塚

宋洛潮縣南三十里舖農夫也有弟游蕩不事生產父歿母恐累及長子遂令析居及母歿其弟田產蕩盡潮令租種異姓地而已協助之弟仍如故妻子無以養潮不時令其子送食或與米粟日久子輩生厭潮暗中資助之後其弟將莊房鬻盡潮有一間房地與弟作住處其子亦皆遵命

云

李慶李油村人農家子也性樸實少孤鮮兄弟亦無力婚娶事母以孝聞終歲勤於耕作稍暇卽爲人傭工得值必市甘旨以進母母六旬患癱症百方醫治卒不效卧牀八年飲食轉側需人慶子然一身不離左右以致薄田數畝爲之耗盡僅存茅屋數椽或勸傭工以養親泣然曰不能也爲人作苦暮始能歸吾母無依也遂乞食以供母數年母歿並數椽之屋賣之以營喪事既葬常伏墓前啜泣露宿墓側者年餘服未除竟抱病而亡 以上孝友

漢張世平蘇雙二人同里各累貲千金同販馬至涿州見漢昭烈姿表奇之遂資以多金昭烈得收拾徒眾舉義兵恢復漢室二人之力居多故史稱爲義士云

定縣志

卷十二

文獻志 人物篇二 德行

十

北魏石苗邑令黃宣卒於任單貧無依苗爲殯葬持服三年奉養宣妻二十餘載及亡又衰經殮之以耐其孫文德五世同居合門雍睦鄉人化之

元周源字濟川輕財好義常以歉歲出粟數千石賑饑又獨力捐修文廟共用錢五千餘緡州同知兀納罕爲撰文勒之石 文獻金石篇

明楊剛董玉天順六年大饑二人各出粟四百石以賑州旌其義

郝節紫荊莊人隱居博學尤精歷算性至孝嘉靖三十三年大饑日擔熟豆於衢食饑者凡五閱月死者殮而瘞之以數百計嘗拯人於厄酬以金弗受拾遺金還其主子四人

並嗜學效召舉於鄉

翟麒由國學生任南光祿署丞嘉靖四十年大饑麒出粟六百石以拯濟年五十無子妻勸納妾笑曰姑待之已而妻連舉二子

李溥張錚俱成化間進士時定州訓導常泰講薛文清之學溥錚皆服膺其教泰歿於官不能歸櫬溥錚合資治喪曲盡心喪之禮葬州城之北歲時謁墓祭掃終身

董文州生員文廟前舊爲文住宅嘉靖四十四年議開神道文慨然捐宅凡五間州牧酬以二百金不受以重道崇風匾額旌之文天性篤孝其慷慨尚義如此

劉傑字世英慷慨好施見里中子必問以生計或告以窘輒助之有藉此以致富者嘗訓子曰慳吝之子吾心鄙之能廣吾志以大吾宗吾死且瞑目後其子文煥果登第傑邀封典

郝仲德性樂施子族人郝永輩十數人未有室皆爲之娶冬日見役夫於途蹠而呻吟急脫已履與之嘗詣田畔見從子之婦竊其禾亟以袖障面而歸時稱長者

張憲車寄里人性和易與物無忤兄亡無子妾謝氏他適產遺腹其後夫欲私之憲聞悲且喜曰吾兄其不亡矣厚贖金帛贖回及長與以已產之半與族眾祭掃祖墳有遺金於道者候其主還之強分以半弗受子鎬仕至巡撫

丁萬糧阜財里人性和厚有犯者概弗校歲饑出粟三百石

以賑孫三英領鄉薦

張可知安家莊人性好施嘗修東門外石橋十四座砌路十餘里歲荒捐粟數百石以賑治棺以殮死者積財悉均之族姓直指使者聞而旌之

李涵祝村人所居鄉苦澇捐貲鑿溝數里以殺水勢鄉人德之歲饑施粥爲賑活數百人城東建石橋二冬月於唐河建土橋以免徒涉凡十餘年服其義

何鰲以篤行著嘗於清水河西南修蓋石橋二知州胡震亨助以三百金鰲因工已垂成遂舉捐金置稻田三十八畝七分歲收租米一十九石三斗爲唐河草橋常年拆蓋之費又結茅北岸貯所拆木材草秸出陳易新而以所收租

爲僱工費數十年不擾民間絲毫皆知州胡及鰲之力也鰲沒州委吏目經理其事並勒石州前

胡輓官指揮會捐棺三百具於漏澤園收殮暴露骸骨清劉九鼎忠烈再珙子有聲庠序縣初建文廟棟宇物料皆所捐辦

王應禎生員齊堡村人材有長溝歲久淤塞每霖雨溝溢淹沒禾稼禎捐貲開濬工力浩繁溝成水患頓止一鄉德之樂善好施老而愈篤

張時興生員東朱谷人生平慷慨忠信康熙庚午歲歉捐穀四十石賑饑撫軍于公成龍給匾獎之辛巳年施公地二十畝以助里中差徭之用丙午年施義塚地十畝掩骼埋

丁萬糧阜財里人性和厚有犯者概弗校歲饑出粟三百石

枯丙申年又捐百金施衣棺以給貧困鄉人頌德弗諉

張時昌監生東朱谷人卽時興胞弟性孝友和易近人以胞弟時鵬爲諸生計漸促乃贈地五頃族弟時成貧無所賴爲構屋一所置地數十畝贈之康熙丙子歲饑施粥兩月所全活者甚衆甲申年捐義學地四十五畝爲鄉間子弟永遠延師之費辛巳年因本里差徭繁苦捐地五十畝以資公費戚黨王振聲張所美遠出多年無音耗其家屬貧不能自存昌爲經營家業子孫並有成立

白維憲歲貢事親以孝聞其孤姪坤始產無乳哺命妻乳之致天已女坤稍長與其子璟同讀書天甯寺忽西堂牆圯生徒子姪並隸牆下憲厲聲獨急呼坤坤適先出眾以其

定縣志 卷十二 文獻志 人物篇二 德行 三

何不呼子徐問之憲曰我有三子亡弟只一綫情不自禁耳其他篤行亦並爲膠庠所矜式

王天錦歲貢年十五以父病篤禱關帝前感見於夢父病尋愈其業師李文涵欲達當事天錦固止之嘗割己田屋予兄天鐸俾得所姊適大城監生馬鴻業旣寡貧而無子錦甫舉一子憐姊苦節遠在異邑命往侍之姊死往治喪半載始返妹適李經世多年遠出無音耗一子蓮貧甚天錦攜之歸給貲婚娶俾有成立鄰人史大因負債將鬻妻妻投繯天錦聞之亟令人救甦傾囊代償之南城外舊有異鄉無主者十八棺皆浮厝圻裂錦出貲深瘞之其他救病療貧美行積累未易悉數

韓煥斗少孤中年自創家業遇歲歉卽施粥賑饑晚年乏嗣友人勸購妾比至斗憐其骨肉遠離置於別室翌日資以途費遣歸身價不索又嘗於村南建利津橋以便往來劉元璣貢生事孀母年逾八旬從兄弟家歉乏常分糧給之爲孀母治喪具則捐己身所備棺槨戚友告貸不計利亦不責償每遇歲荒出所餘糧賑恤康熙六十年饑饉相仍施與益廣生活無算

孫國穎國奇兄弟家貧力作以奉母雍正十二年九月祁州生員李永發之驢馱錢八千奔入其院國穎兄弟坐守待且四外揚聲願還原主李永發聞而往認國穎卽慨還之州守王大年以國穎兄弟臨財不苟甘守清貧義行可嘉

定縣志 卷十二 文獻志 人物篇二 德行 四

詳請旌表給匾鼓勵並獎給司庫存公銀二十兩胡得才字濟宇監生蔡家莊人康熙三十年州大饑設粥廠於大道旁徧食飢者逾歲始止飢民賴以存活生平贍親族濟貧乏排難解紛凡有益於人者皆不顧身家爲之後家益富施舍之志益廣修廟宇路途砌南門外石道猶其餘事也子永年延年等並入庠食餼

楊嗣蕃東王習村人性慷慨乾隆丁未歲歉出穀百餘石散給鄉鄰不責其償有償者仍令鄉鄰春食秋還長子監生策能承父志鄉鄰樹碑頌德並請州牧孫給與樂善好施匾額

徐遜監生堯方頭村人因東門外城濠沙淤每當夏秋之交

積水橫溢行人病涉於乾隆年間捐貲建石橋三座又捐重貲助修東嶽廟始乏嗣晚年忽舉一子皆謂爲善之報云

王珍字廷實布政司經歷小奇連村人祖恩大始遷居西關父又曾家漸富有好義名乾隆中珍接理家務仰體父志凡親族貧乏者無不賙焉小奇連族歿日繁告困者踵至珍曰是豈久遠計乎乃將祖業之在故村者畀族眾猶不足則益以外村地先後共捐七百餘畝族眾既感泣受地去其糧仍由已輸納子姪輩有以糧隨地去請者珍曰是非爾所知也去糧則彼將據爲己業有不知吾意者或轉鬻於人仍受凍餒吾既代輸有年終吾世不變吾法日後

定縣志

卷十二

文獻志

人物篇一

德行

五

或薄責其租準糧數足矣厚斂族人非吾子孫也五十九年大水出錢千緡以拯鄉里嘉慶六年復大水乃商同伊弟萬年出千金命姪度華請於州牧張委員至西關廟中散之遠近全活者甚眾嘗語子姪曰汝祖樂善好施以救人爲急至於捐修寺廟亦曾費至萬金汝等能權所緩急斯善法祖矣壽八十子孫豐盛甲於州

麻得義東王郝村人曾捐貲助深澤建橋誌於碑又以沙河阻渡協同魏進華閻洪基王順民劉喜俊甄祿胡永忠武開誠趙曷等造義船架草橋築路室並置修補田六十餘畝亦誌於碑懷德村多泥淖獨力修墊建石橋二設屋爲粥以食饑者乾隆乙丑年州收毛匾其門曰樂善可風

王謙監生東市邑村人乾隆五十九年唐水汎溢村舍傾圮男女流離呼號開門延入任其居止並設立飯廠供給之水落眾始散州牧郭匾其門曰鄉鄰食德又贈聯好善樂施懷古道拯危濟急愧今人並註事不恒有因以兩言誌德并示勸也

劉玠字輝山歲貢甘德村人嘗受業於朱文正公之門爲所器重嘉慶六年大水城南七堡村民張洛公宋蠻子等九人以李鐸富有儲糧率眾飢民乞借不允遂肆劫掠鐸赴州治控告州牧張飭役數十輩往不能戢遂議發兵剿捕飢民亦聚至千八百人謀所以爲敵玠聞之私議飢民聚眾劫糧抗官由於萬不得已如動兵是速之變也不如遣

定縣志

卷十二

文獻志

人物篇二

德行

六

能言者責以大義散其眾而薄懲其罪則九人者不致生變千八百人得全活而州境乃無事矣州牧聞之使玠往遂隻身赴七堡村張洛公等長跪請命玠既散其眾偕張宋入城州牧亦廉得其情概從寬宥

魏廷璧何元淳李佐清申爾稅俱北龐村人嘉慶十三年六月初九日唐河水暴發東坂村被湮居民無從逃竄魏等多縛梯筏冒險運糧食越六七日水始退村人得不死州牧薛書匾表其村曰誼篤維桑

王士良生員南宣村人嘉慶六年大水出粟百餘石救飢活者甚眾州牧張予匾表其門孫維新庚子科武舉張進純監生西湖村人一日有巨寇竄某載所劫婦女由村

經過遺數人而去詢得實予資斧遣之歸未幾冠還尋故指以歧路俾追之不及冠亦倉皇去卒年八十有六子連芳弱冠舉武科好詩書州牧毛匾其門清時頗牧

馬玉監生北宋村人道光三年六月河水暴發近河居民被災玉與弟監生珍捐貲施飯四年被蝗災亦如之五年歉收極貧者仍就食王家此三年中賴以存活者不可勝紀張清波字揚輝西建陽村人乾隆壬子武舉丁酉科武舉殿臣長子也性孝友事親能曲意承歡處兄弟亦和睦任浙江大河衛千總時其堂兄訃至即請假歸漕帥不允泣訴再四乃允其請家中六世同居眷屬數十口咸雍肅有禮法一時祖孫父子兄弟列生監舉武科受職秩者二十人

定縣志

卷十一 文獻志 人物篇二 德行

七

嘉慶二十五年州牧給與世德呈祥恩光疊沐兩匾額生平疏財仗義曾倡修本村義倉勸捐積穀又捐已貲市地助本村徭役嘉慶辛酉大水施粥三月嘗還路遺多金見道旁屍骸赤露者輒解已衣衣之凡鄉里遠近構訟者必爲委曲排解之壽八十有二卒之日聞者歎息歷久猶稱道弗衰

王維屏城內南街人性厚謹家貧勤苦以養親晨昏無缺親亡每飯供主乃食祭掃尤加敬焉一姊適人常供給衣食曰姊在卽親在慰姊卽慰親也少未讀書中年學識字而愛誦論孟有弗解就館師求之或塗遇亦鞠躬請教嘉慶六年大水倡煮粥以救饑存活無算遇乞丐周之無少吝

聞某醫家口代償其值俾完聚時州官去任資弗給維屏供其所需老尤好施口碑載道無遠近皆以善人稱之高標監生東里元人慷慨好施族黨貧乏者無不周恤因里中本牌戶貧差徭難供捐地四十九畝以助之道光三年挑城河自備食用以供本里夫役並獨修里中廟宇及卒里人思其德立石記之

張自泰東朱谷人因里中差徭乏用自捐園地六畝助之或以其家貧止焉曰竭吾力以盡吾心而已里人重之公送匾額並識以石

王清華字潤齋西關人天性孝友兄晚歲病風痺清華稱藥量水親事左右數年如一日同治元年梟匪滋事清華出

定縣志

卷十一 文獻志 人物篇二 德行

六

資命子姪募勇辦團練境賴以安自後捻匪北竄及光緒三年大祲先後出貲不下數萬緡李文忠公督直隸令州縣設義倉定州派出萬石清華首出四千石以爲倡得獎樂善好施匾額光緒十一年七月卒年八十

侯鐸字警眾三十里舖人候選同知銜家素封而好義母彭氏雙目失明鐸扶持倍謹數十年不稍懈母聰敏有遠識多識其家先世嘉言懿行時以訓子鐸亦拳膺弗失祖良賢於乾隆間辦有放粥事父育萬踵行不替鐸承辦尤力領食者數加倍於昔且於每年元旦改給乾糧五日至六日始照常放粥又常置大牛於門供村人使用仍自備餼養村人稱便子學海以儒學生員襲業尤孝謹能傳家法

光緒初鐸患瘧疾瀕危學海衣冠禱烈日中願減已算十年以益父壽未幾病愈至鐸歿時適應十年跪禱之期鄉里傳以爲異學海弟學山字西峯生員兄弟析居後放粥外每於歲除前二日按貧戶給錢或米麩賴以度歲者恒數十家村臨九省通衢恒有難民千百爲羣叩門求濟學山必竭力周恤之村中差徭爲累學山首出貲勸集義捐作爲基金生息以辦公有餘則以濟村之貧戶繩其祖武殆無愧焉

白化元唐家莊人清捐職都司家產豐富每年冬季設立粥廠以濟貧民光緒三年捐倉穀一千石以爲本縣義倉之資縣人贈以好善樂施匾額

定縣志

卷十一 文獻志 人物篇二 德行

九

王文德字修身東旺村人平生樂善好施嘉慶丁巳蝗蟲遍地禾稼立盡文德捐助穀糧五百石以濟飢民光緒元年蝗蟲尤甚時家產稍落矣復捐助穀糧三百石鄉人贈以齒德兼優匾額卒於光緒五年年八十

王誥字倫常聖佛頭村人清太學生事親維孝樂善好施同治六年捻匪張總愚犯境時值嚴冬逃亡之民來村者數千人飢寒交迫幾不聊生誥遂倡捐柴草數十萬筋雜糧數百石以賑救之又光緒三年大旱逃荒之民來村者又數千人又捐己糧日放粥兩次至數月久嗣因已糧盡又出錢買糧以繼其事一時有王善人之目光緒二十六年八十二歲無疾而終

崔和睦西張謙村人性義俠遇事勇爲不顧利害愛人喜施

意豁如也同治十二年夏磁州解餉過境行至孟良橋遇賊騎數十劫奪餉銀過張謙而東和睦邀集村中勇敢六十人尾其後至沙河南趙莊賊方憩食急擊之生擒七人馬數匹餘賊奔散餉銀猶存俄而州將追至若疾和睦之爲者和睦獻銀馬及賊無矜容眾大悅服而州守以急公好義旌其門焉馬跑泉河久隳不治每當伏秋泛溢被其害者約數十村光緒十一年指陳利害繪圖冊上其事於州守陳慶滋陳久典河防曉水利謂此河開濬不但水旱無憂且通航下游特以和睦領其事乃督眾規河工凸者凹之狹者闊之淤塞者疏通之設徒杠建石樑數閱月功

定縣志

卷十二 文獻志 人物篇二 德行

三

垂成矣而慶滋受代和睦亦卸其責功虧一簣論者惜之韓東陽東張謙人樂善好施每歲終必儲資以周鄰里之不能舉火者村南臨沙河至冬病涉捐資建橋以便往來遠近咸蒙其惠

李文秉龐村人岳陽教諭同治中以村中經濟支絀諸事難理遂以己之業地七十八畝捐入公差局有碑文可證劉景輝字輝聖庠生樓底村人家富有好施與咸豐丙辰因本村西半多貧征輸爲艱充役者以爲累爰以腴田六畝擇村人分監積儲以備行差之助又因橋頭道左春夏泥濘車馬難行復捨地二畝有奇以便行路村人爲立碑以誌德

陸宗元幼貧苦六歲與兩兄異居依母爲生至十五歲佃田自種不數年自買地數百畝家道日隆其兩兄困如舊宗元乃分給兩兄數十畝又自貧苦以至富有於鄉鄰則分多潤寡於親友則同甘苦光緒三十三年闔村公議興學籌款莫可如何宗元獨慨然施舍制錢一千貫又見村款支絀復施大錢一百吊按月生息作爲公用鄉人感惠爲立善行碑以爲紀念

王國幹字翹材增廣生大西漲村人讀書識大義以身體力行爲主從同鄉馬警甫孝廉游孝廉器之以爲有經濟才其行事第一不爲己不要譽其次不畏勞不避怨不居功義所當爲慷慨任之深痛人心不古事變繁滋集眾會議

定縣志

卷十一

文獻志 人物篇二 德行

三

立鄉規二十餘條迄今三十餘年鄉人賴之州牧孫韻笙重其義贈以維持風化匾額

田雲龍字化之歲貢生土厚村人性敦篤讀書有遠志早歲失恃以不得識母顏終身悲慕事繼母張曲博歡心人無間言偶失檢恒畏田先生知及門凡百餘人咸訓以敦本勵行有不率輒以身化又能執信義受朋輩託經營慘淡如治其私人尤誦之

王璇辛莊村人同治十二年署定州知州陳慶滋以德維風化匾額旌其門所列善行有周恤孀婦敬惜字紙唐河水盜造筏渡人云云

張國均只東人壯歲從戎得獎五品頂戴見西漲等村徭役

繁重與王翹材等請免十分之四出所蓄千二百緡購學舍培鄉鄰子弟復立鄉規十餘條各村感服又創立公義堂本村雜差爲之解免鄉人爲立碑以誌之孫州牧亦以扶持風化四字旌其門

張國望字子賓賽里人村有公田計二十段佃多不納租金國望毅然整理之正邊界勒於石索還欠租公款有賴今村中辦小學卽以是爲基金焉又道咸間淫霖爲災國望捐鉅金修橋補路掘通溝渠導水入於沙河人皆便之鄉里有爭國望出爲和解莫不折服鄉人稱道弗衰

史自清字浴德生員小流村人母病在床日侍湯藥六年不懈母卒繼祖母尙存又敬事十餘年以壽終後二兄失業

定縣志

卷十一

文獻志 人物篇二 德行

三

姊家亦貧甚自清皆引爲己任給其食用處鄉族力勸和睦課生徒不收修金辦公事小費自備非公事不入公門村有諺云村眾盡如史先生無官長亦能度日足徵其品矣

史際亨監生小流村人同治六年旱久得雨僅種蕎麥種價踴貴斗二千許貧乏者難之際亨盡出所存二十餘石散給鄉鄰不責償七年正月捻匪侵境又首捐千緡修寨練勇爲守禦計東方逃難者多寄住其家貧者煮粥養之還鄉時又出錢贈之汪州牧給心存利濟匾額表厥宅里

閻宗周號斌齋邑庠生東丈村人素稱望族事親以孝聞繼母徐性嚴重遇有不悅宗周怡色柔聲卒能轉怒爲喜母

舅四人俱貧困宗周曲體親心餽遺無稍間復出資使營商全家賴以存活母有女姪失怙恃願收爲己女宗周遠迎歸視如胞妹其族多各置新阡而祖墓幾於廢祀宗周置祭田六畝爲祭埽費春秋兩祭同族燕饗名其會曰追遠其再從叔母陳有子四以貧莫能養宗周出地八畝給其衣食又以儒醫名湛深脈理延者麇至悉應所求然未嘗藉取絲毫捨藥數十年所費不資尤善排解或出資平其爭家素封戚友乞貸者悉量力以濟同治六年邑有梟匪之亂宗周慰勞撫卹保全者以數萬計汪州牧以六品銜褒其義行本村差徭向稱煩重恒出錢墊辦繼復捨地四十畝爲辦差底款至今闔村不受差累

定縣志

卷十二

文獻志 人物篇二 德行

三

趙懷義趙家窪村人性仁厚光緒四年米價踊貴乃囑家多爲粥以周貧餓鄰里賴以全活性嗜書勗子孫誦讀尤力抱樸守素不爲赫赫名接人以誠常以我負人爲懼其生平行誼類如此光緒末卒年七十有四

黃理字新命黃家宮城人仁厚好施家故不豐而戚族之貧者有求必極力以應有喪恒躬送柴米周人之急至賣田不少惜歲凶爲粥以給乞者路有餓殍恒百計以棺殮葬之歲暮貧丐皆恃以度歲卒年八十有二

孫自裕字懷德小奇連人宅心忠厚每逢道路之飢寒鰥寡者卽設法救濟之及病篤猶舍村南上地十五畝餘以其生息爲村中辦公費又嘗於歲除日分施米麪周濟貧民

鄉之人感其恩義爲立石以記之

李士英字功德東汶村人少與弟士勇輓車經商以致富願善爲人謀見賢有志者輒獎助之游民失業者則面斥之俾之愧悔然後出資以助之人服其義邑人胡振春爲表其墓子成信慷慨有父風光緒九年歲祲捐倉穀二百石清河道獎以匾額

吳錫圭字臨政牛村人咸豐九年以定武書院學款支絀捐園地四十八畝旱地五十二畝助膏火費在本村捐錢三百貫作爲基金每年行租十石以補村中差徭之不足又捐錢七十貫於族中以爲家祠歲修之需光緒末年卒年七十有二

定縣志

卷十二

文獻志 人物篇二 德行

四

趙彤雲字岫升庠生東建陽人嘉道間里中差徭繁重戶多流徙岫升倡捐富戶設立公差局復因公款不足又慨捐巨貲三百餘緡以爲補助鄉里貧戶分種公產多蒙其利道光九年合村公議鐫刻碑文以紀其事

高鳴岡東建陽村人父某以農圃起家積金累巨萬鳴岡生於富饒意氣豪曠凡內外族鄰以及鄉里之貧乏者皆慷慨周卹無幾微吝惜意然自奉儉約猝遇之若不知爲富人者惠以及物廉以持身蓋皆有焉

劉知慎字敬修高就村人性慈善好舍施同治六年髮賊蹂躪畿輔所至爲墟知慎出粟賑濟饑民唐河以北沾惠者甚眾尤善歧黃咸豐三年時疫流行知慎舍藥醫人四鄉

老幼多所全活七年州牧王榕吉舉爲鄉飲賓並獎以中山人瑞匾額

王步雲字登瀛千總銜南宣村人輕財樂施世以爲常道光三年歲災步雲在本村放糧每人四斗計全村同異姓共三百五十六名出糧一百四十餘石村人感焉因合贈一匾額

劉玉瓚字受祉貢生土良村人鄉里有善人之目親誼多寒族或借貸或收養佃戶有不能交租者卽當場焚券望都李夢胥久宦山右有虧空玉瓚慨贈數百金以周其急咸同間鹽梟捻匪爲亂各村辦鄉團獨出鉅貲爲一方表率光緒三年畿南大旱又慨捐紅糧數十石設廠煮粥全活

定縣志

卷十二

文獻志 人物篇一 德行

三

頗厭本村差務繁鉅比戶攤派不堪其擾乃設法按地籌款立公差局支應一切人人稱便村中有事則居中排解故歷四十餘年無訟端晚歿爲立遺愛德澤兩碑以誌惠劉進祿字賜粟楊家莊人性寬厚樂施濟蓄一犍牛置門外以備里中無力耕作之需種田終歲積薪悉置曠園中任人取攜不問也歲置棉衣若干至冬則分給里中之窮而無告者又爲粥以食飢人日兩餐待哺者日增月多數十年如一日至錢穀之稱貸不置簿記與之無吝色償者亦笑納之不償不問也其自奉甚約如是以終身迄今百餘年鄉里猶有劉善人之頌

齊殿良字龍驤監生趙祚村人急公好義以孝友聞村舊有

公差局爲他姓耗費一空殿良與其伯拱基捐金爲局中底款創辦以後增田百三四十畝至今辦公裕如鄉人感之以上義行

漢張鈞中山人延熹間爲郎中時中常侍張讓等擅權黃巾作亂盜起鈞上書曰竊惟張角所以作亂萬人所以樂附者皆由十常侍多放父兄子弟婚親賓客典據州郡辜權財利侵掠百姓百姓冤無所訴故謀不軌聚爲盜賊宜斬十常侍懸頭南郊以謝百姓又遣使布告天下可不須師旅而大寇自消帝以鈞章示讓等皆免冠徒跣頓首乞自致洛陽詔獄並出家財助軍有詔視事如故鈞復上書不報詔廷尉侍御史考爲張角道者遂誣鈞學黃巾道收掠

定縣志

卷十二

文獻志 人物篇一 德行

三

死獄中

見後漢書宦者傳

唐郎岌景龍四年岌上言皇后韋氏宗楚客將爲亂逆后殺岌上意怏怏由是后及其黨崔湜等合謀進毒弑帝於神龍殿湜與岌同郡岌以凡民抱忠欲殄禍源湜以大臣甘心黨賊豈不愧死

明劉再珙崇禎十二年以選貢判兗州改保定府監軍應十四年遷九江督糧廳十七年正月擢戶部員外命甫下旋陞九江督糧道會時變兵絀力困沈江死焉妻鄭氏盡節中山子九鼎首建文廟見前義行曾孫華華子鶴鳴爲一時賢邑宰蓋皆先世忠烈所貽

施承元由指揮陞大同副將後致政家居崇禎癸未城陷元

與堂弟生員施勸率家人巷戰死焉其妻若子皆殉難惜名氏無考

米大年由定州衛指揮歷陞副將後致仕歸癸未之變協同官兵守東南隅遂遇害

韓元整崇禎庚午舉人由保舉任范陽令調清平令清介不畏強禦吏民畏服涖任二載餘城陷殉難士民惜之副將吳霜亦殉崇禎癸未之難

趙采寨裏村人明萬曆間輸粟授職崇禎十一年州守委令守城又捐粟十石助餉十六年三月十五日城陷殉難子文修文軾皆諸生姪文傑領鄉薦任邢臺教諭文準武舉文斑文穎孫鎔曾孫治俱入庠人皆以為厚德之報云

定縣志

卷十一

文獻志

人物篇一

德行

七

劉三俊家饒於貲平日樂為義舉崇禎十六年三俊率勇士堅守城之東北隅又慨助兵餉三千金米伍百石三月十五日城陷遇害眾覓其屍竟不可得

軒轅冕州庠生好善樂施崇禎癸未之變與孝子吳天銀力贊知州唐鉉守南門左右不離唐公遇害二生亦同死

劉起龍字禹門屬中山四姓之一謂之北劉為諸生治麟經文行兼優竭力贊修文廟當事賜額曰有功聖門崇禎癸未三月十五日父子同殉難今無後

諸生劉謨施勸尹任燮何允中方時隆趙之琦邢鈞趙映乾李盛芳王之翰袁昌祚張拱極張拱斗成人美凡十三人又義民宋之程吳三輔吳圻袁啟先李元芳陳洪紀劉

思愛劉思忠惠一美方裕凡九人均死癸未之難前志載之不忍其湮仍增著於此案三月十五日城陷係崇禎十六年癸未前志均誤作戊寅茲悉改定

清邢敦行字立德號恕堂內化村人少失怙倜儻不拘小節好勇而事母最孝遇不平事輒與人鬪聞母喚輒屏息斂手退雖堵門詬詈不出也乾隆戊戌科由武舉登進士廷試第一充頭等侍衛外授參將陞廣東協副將奉母抵任所歲己酉十月安南逆命孫公士毅奉詔督勦檄從征敦行恐貽老母憂祕不敢發乃詭曰兒奉命巡邊歸期無定母日思吾兩弟可暫攜眷屬歸遂將平日所製衣服百餘襲及紫杉板四潛貯船底次日送母登程勉強笑語母亦

定縣志

卷十一

文獻志

人物篇一

德行

七

不知覺別後目送里許乃再拜稽首放聲大慟毅然曰昔猶為人子今則為人臣矣遂星夜赴大營連戰連捷賊眾震怖棄城走孫公命撤回大兵三百里獨以馬步兵千人付許提督與敦行等三副將屯守不數日賊乘隙結連他國擁眾數萬負夜至敦行與諸將登埤而望火光燭天喧聲震野乃相謂曰賊眾一至城下勢如破竹矣吾輩守亦死戰亦死與其束手待斃何如捐軀赴敵尚可冀奏功於萬一遂以衣佩一二事付其僮曰歸告太夫人謂我不得生還持此葬我可也遂與許提督二副將開門赴敵死事聞議卹贈總兵銜世襲騎都尉

何三傑由貢生任湖廣寶慶府通判蒞官開爽明允政績赫

然遇難抗節不屈死順治十六年奉旨旌表

韓景祥城內南街人由忠順營馬兵拔補倒馬關外委嘉慶元年從戎湖北等省五年閏四月在湖北鄖西縣境戰歿經部議給雲騎尉世職嘉慶八年奉旨入祀昭忠祠給銀七十兩卹其家

周兆麟嘉慶四年五月初五日在湖北大平礮地方陣亡

按前志云此次纂修州志飭書吏案查陣亡兵弁吏漏兆麟名即夢麟切責醒而核卷果得其人乃急為補入夫麟死於二千里外事又隔五十餘年其靈爽猶復爾爾因附註以告輕視節義者云云茲姑擇要載入此外尚有四十二名皆以兵丁勦匪各省而死充兵陣亡事實尋常非臨

定縣志

卷十一

文獻志

人物篇二

德行

三

難不苟者比且凡陣亡之兵皆入志勢必挂一漏萬不勝其載茲為節去而詳其例意於此

馬善寶字好賢種阜財村人嘉慶戊寅科武舉己卯科進士殿試二甲藍翎侍衛以擒張逆有功初任浙江嚴州守備復任山西大同都司旋任貴州黔西游擊繼任貴州城內參將咸豐元年以討逆賊盡節於廣西馬鞍山世襲都騎尉

謝文炳中古屯人清貢生同治六年團練鄉勇當捻匪入境與之爭遇害蒙部奏請世襲雲騎尉又種阜財村馬鈺亦於捻匪入境時糾合族人保衛鄉里遇難部請襲職三世云

按清同治六年捻匪之亂七年十二月內閣奉上諭給事

中陳鴻翊奏請陣亡官民婦女懇請旌卹建祠一摺所有單開之定州武生王際唐等一千五百六名着部查明分別旌卹並於本籍捐貲建祠以彰忠蓋云云定已建祠其名單另有冊記茲不更錄為著其事實於此

李清奎牛村人由正定勇出師陝甘疊經保奏遊擊用賞戴花翎同治六年告假省親七年逆捻北竄前直隸方伯唐訓方駐防定州該員投效派令管帶右營後哨至清苑陣亡賞世襲雲騎尉並卹金以上節烈

定縣志

卷十一

文獻志

人物篇二

德行

三

卷十二終

定縣志卷十三

文獻志

人物篇三

名績

漢劉惠中山人才識豪邁桓靈時韓馥將舉兵以釋國難慮

袁紹董卓為患不決惠勃然曰興兵本以為國袁董何人

焉足問哉遂舉其事按惠事見三國志注及英雄記韓馥傳並不詳其里居今案惠為中山人

見袁紹傳

南朝甄法崇中山人父匡位少府卿以清聞法崇仕宋為江

陵令在任嚴整境內肅然其孫彬有行業嘗贖苧於質庫

於中得金五兩彬送還質庫梁西昌侯藻為益州刺史以

定縣志

卷十三 文獻志 人物篇三 名績

彬為錄事參軍將行武帝謂彬曰卿昔有還金之美不慮

其不廉也名德由是益彰云見南史甄彬傳

甄元成字敬平中山人博通經史善屬文為梁簡文帝所知

以錄事參軍隨蕭詧鎮襄陽轉中記室參軍頗參政事嘗

以江陵甲兵殷盛懷貳心元成密書與元帝具申誠款或

得其書送與詧詧深信佛法元成素誦法華經遂以此獲

免後位至吏部尚書有文集二十卷見通志本傳

北魏李先字容仁盧奴人祖重官平陽太守大將軍右司馬

父樊石虎時樂安太守左中郎將先少好學仕魏為丞相

左長史蠕蠕屢犯塞太祖用先計破之遷博士定州大中

正及討姚興問計對曰臣聞兵以正合戰必奇勝聞興欲

屯兵天渡利其糧道及其未至遣奇兵先邀天渡堅壁左

右嚴設伏兵扼其表裏可不戰而取太祖從之興果敗走

太宗即位拜壽春侯出為武邑太守有治名世祖時徵為

內都大官神麤二年卒年九十有五贈定州刺史中山公

諡文懿見魏書本傳

李惠中山人父蓋少知名詔尚世祖妹武威長公主加侍中

駙馬都尉殿中都官尚書左僕射卒贈大將軍定州刺史

中山王女即思皇后惠少襲父爵性明決魏世祖時爵為

王累官至雍州刺史廳事有燕爭巢累日令人掩獲命綱

紀無敢判者惠乃使卒以弱竹彈兩燕既而一去一留惠

笑謂吏屬曰留者自計為巢功重彼去者經楚痛理無留

定縣志

卷十三 文獻志 人物篇三 名績

心人服其聰一日有一負鹽一負薪者息肩樹陰將行爭

一羊皮各言藉背之物惠顧州綱紀曰羊皮可拷知主乎

咸無答者惠令人置羊皮席上以杖擊之得少鹽屑負薪

者乃伏罪由是吏民莫敢欺犯後仍以王爵刺青州歷政

有美績為文明太后所忌誣惠將南叛殺之二弟與惠諸

子皆死無釁遭慘天下冤之惠從弟鳳為定州刺史為人

構陷以死太和十二年高祖訪求外家鳳子道念安祖與

祖皆為侯興祖卒於燕州刺史其子侃晞拜散騎常侍助

莊帝殺爾朱榮於禁內莊帝蒙塵侃晞奔梁見魏書本傳

仇洛齊中山人生而閭本姓侯氏舅仇嵩養為子因從其姓

初嵩長女有姿色賜盧豚生子魯元魯元有寵於世祖常

於世祖前言其舅世祖訪之洛齊赴京拜武衛將軍稍遷給事黃門侍郎魏初禁網疏闊民戶隱匿漏脫者多東州既平綾羅戶民樂葵因請探漏戶供爲綸縣自後逃戶占爲綢綾羅縠者非一於是雜營戶帥徧於天下不屬守宰發賦輕易人多私附戶口錯亂不可檢括洛齊奏議罷之一屬郡縣從平涼州以功超遷散騎常侍仕至內都大官卒以侯家近屬儼爲子儼柔和敦敏有長者風大和中爲虎牢鎮將見魏書開宦傳

張纂中山人字伯業祖珍慕容寶度支尙書太祖平中山入魏世祖時以涼州刺史卒纂頗涉經史雅有氣尙交結勝流太和中釋褐奉朝請少遷伏波將軍任城王澄鎮北府

定縣志 卷十二 文獻志 人物篇三 名績 三

除騎兵參軍帶魏昌縣令吏民安之後除樂陵太守多所受納聞御史至棄郡走除名纂弟元賓正光中除中堅將軍射聲校尉叔感有器業不應州郡之命感子宣軌延昌中累官至相州撫軍府司馬屬葛榮圍城與刺史李神有固守之效永安中以功賜爵中山公中興初坐事死於鄴元賓子辨天平中司徒行參軍見魏書甄琛傳

劉策中山人仕魏爲東郡太守初顯祖時高允請郡國立學每郡立博士助教等官從之策及張綱郎苗俱被徵及允年老乃作徵士頌策與常山許琛合頌其辭曰劉許履中竭力致躬出能聘說入獻其功輔軒一舉撓燕下崇名彰魏世享業亦隆

郎苗中山人仕魏爲衛大將軍從事中郎高允徵士頌郎苗始舉用均已試智足周身言足爲治性協於時情敏於事於今而同於古曷異

劉桃符盧奴人性恭謹好學舉孝廉射策甲科魏正始中除中書舍人以勤明見知久不遷職世宗謂之曰楊子雲爲黃門頓歷三世卿居此任始十年不足辭也東豫州刺史田益宗居邊貪穢世宗詔桃符慰喻之還稱益宗老耄而諸子非理處物世宗欲代之恐叛拜桃符征虜將軍豫州刺史與後軍將軍李世哲襲之桃符善恤蠻左爲民吏所懷久之徵還病卒見魏書

北齊郎基字世業中山人性清慎無所營求汎涉經史尤長定縣志 卷十二 文獻志 人物篇三 名績 四

吏事仕齊奉朝請累遷海西鎮將梁吳明徹率眾攻圍基獎勵兵民固守百餘日軍糧戎仗俱盡乃削木爲箭翦紙爲羽圍解還朝僕射楊愔迎勞之曰卿本文吏遂有武略削木翦紙皆無故事雖班墨何以相過後宰潁川郡積年留滯數日中剖判咸盡而臺報下並允所陳基在郡條綱既疏訟獄清息官民相慶嘗曰任官之所木枕亦不須作惟頗令寫書潘子義謂曰在官寫書亦是風流罪過基答曰觀過知仁可矣及卒遠近將送莫不攀轅悲哭見北齊書循吏傳

石曜字白曜安喜人以儒學進居官素清儉武平中爲黎陽郡守值斛律武都出爲兗州刺史武都性貪暴先過衛縣